

張司丞詩小序

卷五

余讀張司丞靜居集而掩卷唏噓竊嘆當日所稱北郭十友者其詩才既相類而所遭又何不甚遠也無罪而蒙顯戮季廸寃誠極已若楊孟載之死於工徐幼文之死於獄相傳並以讒罹禍至夫王止仲隱居教授未嘗繫籍仕途又以涼國塾師坐法死而處敬獲死謫戍猶足號爲令終司丞日惟懼死之不暇一旦投荒在道忽被召還與全首領猝爾沉江吁嗟司丞此誠難爲下已夫元末法網踈濶而明初刑罰繁滋何治亂之相反也豈陰消

陽長氣數爭勝殺運未終而諸人不幸適逢其厄
耶婺江黃昌衢識

蔡照樓明二十四家詩定卷五

婺江黃昌衢康謠選

昌侃庭直

元治自先叅 弟昌儼若思全較

兄 鴻猷方叔訂 昌僑若產

張羽

羽字來儀以字行更字附鳳潯陽人徙居吳洪武初官太常司丞竄嶺表召還京投龍江以歲有靜居集六卷

五言古詩

春初遊戴山

雲羅橫四海田野無遺英尚賴二三子共怡山水
情煦煦新陽動寥寥天宇清昔人稱四美茲晨遂

成并前登高丘阻遙踰澄湖明憑林招遠風松檜
自成聲俛仰天地間微軀良不輕安能自羈束坐
使衆累縈處賤足爲貴抱素詎非榮遙逍解神慮
庶以適吾生

雨夜

寢閣去門遠春雨荒園夕誰謂在人境宛似空山
客禽歸暗竹喧風斷疎鐘寂戚戚寡懽悰良宵端
可惜

雜詩

泠泠山下泉汨汨谷中源中有雙鯉魚浮遊戲波

瀾江漢豈不深欲往道無緣風雲諒難遇栖栖守
故淵但恐勺水枯終爲漁者憐感此令人悲置身
良獨難

擬古

閑夜會親友置酒臨高堂秦箏間趙瑟吹笙復鼓
簧清音隨飄風逸響繞修梁坐客咸同志寧復算
羽觴人生忽如寄富貴安可常含情待所歡渺渺
天一方譬彼鵲鳴烏揚聲待朝陽憂思怨零雨白
日何時光且當極歡宴聊以慰中腸

酒醒聞雨

端居苦炎熱獨臥多早寤微醉易成醒起聞山雨
度蕭蕭煩煥解寂寂涼颺舉牀空簟更清漏永天
難曙豐霽落方塘驚禽起山樹此時一披襟將何
慰幽素

晚涼汎舟

徂暑驚節謝幽煩倦日永翫舟乘夕涼沿渚入煙
境靄靄殘陽飛沉沉綠陰靜蒼茫水容寂照見歸
禽影開襟招遠風延目認退嶺偶遊非素期炎氛
聊暫屏守拙寡世用尋幽得澄景清賞猶未愜孤
舟當重整

山中送陳惟寅

春山有佳趣累日同遊寓我爲采薪畱君先拂衣
去竹翠落閒階鶯聲出高樹空館愁獨歸依然携
手處

雨中試筆

門徑素來靜雨中人更稀山禽時一嚙田雉每雙
飛客散罷琴讌心閑清道機南山有佳色相對共
依依

雜言

右軍懷逸民向平悟易卦如何不決去皆云待婚

嫁區區兒女情達士何足掛我今履其境此語叵
深訝嗟予喪鄉土舊業廢耕稼連蹇五九年玄髮
忽已化一女首甫笄兩男肩相亞依依向父情款
款接言語素懷歸衡廬顧此豈遑服寒雞翼其雛
鳴鳩均上下物性猶有然人情諒難舍何當携幼
稚盡室騰遠駕

昔予居南山樂有同心人形迹不覿乖棟宇復爲
隣有酒更相呼得粟還我分時時榛曲中相携採
荆薪兩賢不相猜所貴得其真一朝各異路隔涉
莫與聞拙宦失其宜薄責恒苦辛慈母抱沉憂興
言涕盈巾昨者訪故廬松竹稍或存依依親舊跡
戚戚感良辰命駕欲相求風波限通津尚想古人
交俯仰愧此身

青青女貞樹霜霰不改柯托根一失所罹此霖潦
多高枝委爲薪落葉掩庭阿弱柳對門植秀色一
何佳物性固有常變幻其柰何

抱拙衡門下久已忘鳴琴凝塵翳其徽絃絕調亦
沉時還置我膝命酒聊自斟高歌出金石拂拭趣
已淡酣來枕之臥冥此千古心吾亦忘吾形何事
待知音

秋日苕溪道中

溪秋羣物肅灑氣明朝陽方舟蕩清溪良游闕景
光疎林綴餘綠菰蒲搖晚芳鳴鴻去杳杳遙嶺翳
蒼蒼閒行無物役沿洄自徜徉寂寞欣有得留連
豈爲荒一理滄浪調知音非所望

始聞早砧

寂寂秋景宴蕭蕭涼吹生閨人感寒至一軫遠人
情嘹唳清砧動紆徐搗杵鳴微茫帶烟遠蕭疎出
林輕此時離居客單眠夢亦驚披衣一惆悵斜月
滿山城

詠秋荷

杪秋霜露重弱質感涼頻衰遲含夕氣牢落凌蕭
晨衰紅已散雨餘香尚近人翻思盛夏節玩舟涉
廣津摘花贈遊女採綠宴佳賓秋風不少佇感此
盡漂淪人道每如此誰知衰盛因

月夜舟行入金山

夙志羨山水塵縈久未遑名峯久在望茲辰一來
翔揚舲入南渚夕氣倏蒼蒼紆直水無極沿洄路
更長皓月懸高天廣川散飛霜夜寒人語清烟扉
繞澗塘歸樵遞谷響驚鳥動林光愛此塵境遠敢

畏露霑裳

立秋日早汎舟入郭

連霖啓秋期金氣晨已兆溪雲合餘陰水霞相照
耀登艫泛涼颺乘流駕奔峭迴波蕩塵襟青山列
遠眺蒲菼迷森沉菱荷爭窅窕沙明衆女浣潭淨
孤禽嘯端居積百憂暫出窺衆妙好爵豈不懷衛
生乃其要寄謝滄海人予亦堪同調

秋陰遠望

重陰生夕霏陰靄紛如霧乍暗餘霞景已失前山
處氛氲逝去鳥杳眇沉疎樹望遠一淒然徘徊獨

歸路

秋郊行玩

新秋景物嘉樹綠晝亦凝微雨夜來歇朗然天宇
清幽蛩倏知候籬豆花間鳴邊鴻未通信叢桂已
含英恰因文墨暇一遶林間行幽棲寡塵慮散步
寫中情逍遙玩澄景焉知有世榮

寄中竺泐季潭

師從鍾山來遺我故人書一入白雲去相思秋雨
餘徒慙塵土迹來擬竹林居遙想中峯月清梵滿
空虛

詩定卷五
何楷讀書堂

整棹泛澄湖春物暢我懷前登何山嶺短策窮縈
迴晉代有高人結屋臨澗隈至今讀書地石磴不
生苔幽踪去已久遺構安在哉山僧依勝跡下結
蓮花臺亂木各飄蕩龍象亦頽頽乃知興壞理道
俗俱可哀清風動巖壑松聲四山來只疑斯人存
遺韻尚徘徊我欲招其魂舉目但蒿萊臨觴聊一
醉惆悵愧高才

白蘋州

層城鬱迢迢長溪貫雙流喧然闐闐中乃有白蘋

洲茲晨策杖往秀色散我憂宵眇蛟龍窟澄明鷗
鷺秋開花照白日接葉暗漁舟涼風起其末客衣
薄颼颼我欲携童稚具此雙釣鉤高歌綠水曲散
髮洲上頭安能隨世人負我平生遊

峴山

蒼山走南門雉堞隱相並明湖眇東匯亂石皆北
向勢如渴虹奔飲首臨巨漲孤亭壓其巔窪石類
盆盎十手可對飲斧鑿自天匠平生愛山水脫身
事幽訪落帆絕壁下登探俯清曠冥冥沙鳥逝泛
泛漁舟漾崩崖露黃腸云是古人塋我聞襄陽山

茲名乃相况羊公仁足懷杜子功可尚當時一躋
攀山勢益增壯愧我非古人登茲獨惆悵且當隨
鷗鷺散髮臨浩蕩長嘯天地間身名兩俱忘

並音傍

適雲巖

逶迤度前峯到寺行屢歇齋庖竹外烟汲路松間
雪觀水悟真源聞香解禪悅欲共老僧言相對還
無說

舟中

朝發戴山岑夕逗金溪瀆雲天方慘栗川途屢廻
復颿駛岸移轉棹奔山似逐鷗鳥隨波泛霜漸孕

苔綠依依浣女影嫋嫋榜人曲采奇忘來久航勝
成往速悅生良可懷狗名非所欲請試孺子歌去
矣從我獨

送許尊師還大滌洞

青山九鎖處白髮一龕居清齋誦黃老不闕世間
書餐霞食真氣對月禮空虛暫來流水地應與孤
雲疎遙知還山日仙壇春草餘

山中答武康徐高士寄書

久別得君書開緘散吾慮不寄山僧來何由知我
處剪紙答君書還寄山僧去爲問片雲間何時一

相遇

續懷友

予在吳城園中作懷友詩廿三首其後題識四人乃嘉陵楊孟載介休王止仲渤海高季迪鄒郡徐幼文也時余與諸君及永嘉余唐卿者游皆落魄不任事故得流連詩酒間若不知有風塵之警者及兵後予移寓武林向所懷者往往不相見而五君者或謫或隱又各睽異嘆離合之靡常感游從之難得也故云

幽居古垣下其彼佳樹陰里隣豈無好念子是同心芳英帶露折清樽向月斟欲往尋遺躅荒園春草淡

右余左司

藩翰屈長才蹉跎事文筆賓筵罷醇醲客臺淹下秩高門去復醉孤帆望中疾少別歲已華思君無終日

右楊典簿

衡廬古巷中高駕日相顧芳草掩空扉知君斷幽步殘烟北寺鐘暮雨西閭樹携賞邈難期庶望遺緘素

右王逸人

予既遷山郡子亦返郊園兩地花俱發離愁春共繁已罷臨池賞仍睽傾座言從來作者意寂寞向誰論

右高徵君

常懷稚子悲復灑佳人泣草草從軍旅悠悠去鄉邑芳郊連騎行烟郭同舟入當時苟不樂追懼何由及

右徐軍容

讀書圖

幽棲出塵表修翠連松竹袖得碧苔篇閒來石上讀日暝欲忘還山空人轉獨

楚江清遠圖爲沈倫画并寓九曲山房作

烟扉亂晴旭遙見西林山憶歸東湖遠人家春樹間荆扉映水掩應待龐公還

潮落寒沙廣蒼然遠山暮何處罟師歸自識門前樹披圖憶所歷彷彿松溪渡

猿啼楚山晚雲生冒洲渚返照入澄江風吹半峯雨中有遠行舟悠悠待徒侶

寒烟引輕素斜日在高峯但聞猿鳥響更無塵土

踪山僧暝投寺迢遞來清鐘

松下曉櫛

凌晨盥漱罷獨步南堦行悄然四隣寂暫此息營
營散髮綠陰下一櫛晨風清彈冠塵自散振衣香
更輕松露空中墜荷氣靜時生悟脫遂真性俛仰
忘憂情

於書篋中得高吹臺所寄詩遺稿

拂塵啓篋篋忽攬故人詩撫迹疑若存驚逝杳難
追憶昔吳苑游文采衆所推名談析妙理華襟吐
芳詞予時僑城北高齋臨清池焚蘭延佳月對酒

彈清絲誰云茲夕歡乃爲千載期冥漠遊魂遠淒
涼親翰遺墨塵尚流馥紙弊猶含滋玩此塗洒澤
想君哦咏時華章未及報厚意良已虧收竟一長
慟秋風響餘悲想當寫寄日茲感君詎知

倪雲林畫

南枝有高士乃在延陵東清時不肯仕滅跡雲林
中拂石坐蘿月弦琴寫松風焚香誦黃庭望雲送
歸鴻門車常自滿尊酒無時空乘輿畫滄洲古人
未爲工干戈攘末路白首隨飛蓬名山乖始願羈
遊無所終賴有車武子能哀阮籍窮傾壺醉陶令

辟堂延蓋公流俗輕高賢貧賤困豪雄孤鳳混雞
羣野鶴摧樊籠豈乏梁伯鸞不聞臯伯通吾將傳
遺逸清芬千載同

觀音山

連山爭南馳劃斷滄江曲勢如萬馬奔鞭輻忽迴
復石角不戴土蒼然四無麓寸草不得榮惟舍古
苔綠浪波撞其根岩竇響琴筑浮圖乃善幻凌虛
駕佛屋行人願利涉望拜各致祝人生貴無事安
能慮存覆我欲升其巔憑高快心目飛傳不可留
一往如電速

竹篠潭

凍雨不成雪客行利新晴迴盼三山外殘陽靄餘
明江神不揚波歸流澹且平使者誠寡德國家有
威靈笳鼓發中州權歌悲且清醜酒凌長風篇翰
倏已成常讀皇華章征夫任匪輕愧無咨詢效何
以答聖情

邗溝

衰楊夾高防北風暮颼颼道逢長老問答言是邗
溝相傳開鑿初民勞天爲愁至今濁河底時見白
髑髏陸通梁宋郊水漕荆吳舟渠成萬世利慮始

難爲謀至今南北交此土爲名州飛閣跨通波張
幄如雲浮憶昨少年日寶馬珊瑚鈎經過劇辛輩
結託金張儔醉月瓊花觀徵歌明月樓羅綺朝還
暮笙竽春復秋繁華逐逝水一往不可留向來歌
舞地茫然狐兔丘家老無兒孫杖屨驅羊牛少小
心尚爾不知今白頭欲從亂離說恐予增離憂長
揖分袂去零露如絲流

清口

豁達兩河口前與黃河通高岸忽斗折清淮匯其
中甘羅城在南韓信城在東一爲秦人英一爲漢

家雄人生有不歿所貴在立功方其未遇時鹿鹿
何異同時命苟未會丈夫有固窮舍舟登高防歲
暮百草空坡陀隴畝間一二老弱翁遺跡不可問
但見荒榛叢行行重回首目斷雙飛鴻

三江口望京闕

凋年赴陵邑穉景懷京闕引領鳩鵲觀言旋桃李
月綠蕪滿芳甸青山麗佳節沙氣已含春柳意方
辭雪征夫雖邇近同心仍阻絕逃空庶無遺賞勝
聊自悅吾其和天倪將從莊生說

七言古詩

賈客樂

長年何曾在鄉國心性由來好爲客只將生事寄
江湖利市何愁遠行役燒錢醜酒曉祈風逐侶悠
悠西復東浮家泛宅無牽掛姓名不繫官籍中嗟
峨大舶夾雙櫓大婦能歌小婦舞旗亭美酒日日
沽不識人間離別苦長江兩岸倡樓多千門萬戶
恣經過人生何如賈客樂除却風波柰若何

守宮詞

鈿盒和丹食龍子胭脂夜凝神血紫老蟾玉杵寒
丁東鸞尾輕輕飛碎紅靈砂沁透白玉腕細看每
將羅袖捲分明皓雪栖彤霞香痕笑比萼綠華還
籠半臂縈盤帶蝶粉蜂黃鎮長在天桃一點老青
春門前魚目淡如海

百索詞

越羅窄袖香如雪五色絲茸相鬪結看誰結得絲
最長管取自身無口舌大姑巧擘松紋細小姑雙
盤作人字揼來只依金釧寬剩得留將繫郎臂繫
郎臂結郎心一寸絲繩一寸金愛惜莫教容易斷
直到明年與郎換

吳宮春詞擬王建

館娃宮中百花開西施曉上姑蘇臺霞裙翠袂當
空舉身輕似展凌風雨遙望三江水一杯兩點微
茫洞庭樹轉面疑眸未肯回要見君王射麋處城
頭落日欲栖鴉下堦戲折棠梨花隔岸行人莫偷
盼干將莫邪光粲粲

楚宮夏詞擬張籍

渚宮四面芙蓉開碧水晴搖冰井臺玉壺蔗漿光
滿滿當晝君王頻賜來雲絹半幅涼釵滑援琴向
風彈白雪冷玉屏開十指寒輸却鸞篋戲相奪吳
綾画扇鎮長新肯信年年有炎熱不願生入蓬萊

峯願妾世世居王宮

秦宮秋詞擬李賀

涼波翠濕南山影露滴金人光炯炯君王夜半捲
衣回樓壁斜開蜀雲冷西宮桂熟離離子海童不
歸海塵起螭蛄啼老不勝秋小玉採香惜香歎
脂影破澄潭白菱角尖尖怎堪摘鮮紅皺綠來滿
船樓前涼月光團團

漢宮冬詞擬溫庭筠

石鯨吐浪搖金池吹盡宮梅如雪枝避風臺高風
不到寶帳熟眠人未知象爐紅熾後猊影攏輪軟

翠鴛鴦金李娘喚春春爲回笑却人間求火并椒
房小妓起常先玉屏暖手濯溫泉白頭臣朔寒無
履待詔金門霜滿天

寄衣曲

家機織得流黃素首尾量來寬尺度象牀玉手熨
帖平緩剪輕裁燭花莫含情暗忖今瘦肥著處難
知宜不宜再拜征人寄將去邊城寒早莫教遲歸
掩雙扉空淚落舊繡遮身曉寒薄良人早得封侯
歸妾身何愁少衣着

長干行

長干人家向江住朱雀橋邊舊衢路參差碧瓦颺
青旗繫纜門前有楊樹竹弓射鴨向汀州家家無
井飲江流女兒數錢當酒肆商人買笑開倡樓謝
家子弟如蘭玉不見當時舊遊躅夜深月滿大堤
寒愁聽陳王後庭曲送君策馬此中行秣陵遙接
石頭城愁來滿引金陵酒莫聽秋風淮水聲

吳宮白紵辭

織成白紵勝白絲恰稱吳娃冰雪肌渚宮金剪製
舞衣白雲一片筵前飛舞衣當筵潔且輕君王回
盼心已傾徘徊玉階夜露零桐花拂面微涼生銀

燈結穗晃疎櫺墜簪遺佩滿中庭此時不說紅錦
綺得以千秋薦恩喜壁月團團墜江水姑蘇臺上
烏啼起

驛船謠

驛船來鼓如雷前船去後船催前船後船何敢住
鋪陳惡時逢彼怒画屏繡褥紅瓊瑜春夢暫醒過
船去棹郎長跪勸使臣勸官莫喜更莫嗔古來天
地如郵傳過盡匆匆無限人

古朴樹歌

山前古木不知年婆娑黛色上參天霜柯反足鬪
龍虎偃蓋倒影鳴蜩蟬綠葉參差有生意中間孔
穴萃蟲蟻上枝杳杳橫蒼雲下根落落穿厚地樹
傍古廟祀土神人來酌酒澆樹根但願神靈長血
食樹木與人終古存村中老人長孫子自言此樹
多年紀憶作兒童上樹時今見根柯已如此曾經
喪亂見太平幾遇斧斤還不灰山僧愛此來誅茅
盤鬱蒼翠當簷扃待余六月携牀至臥聽南風鳴

海濤

畫雲山歌

我昔曾遊廬岳頂欲上青天凌倒景山中白雲如

白衣片片飛落春風影雲晶晶兮花冥冥萬壑盡
送洪濤聲恍然坐我滄海上金銀樓觀空中明上
清真人笑迎客夜然柱枝煑白石手持鳳管叫雲
開虎咆龍吟山月白明發邀我升東峯導以絳節
雙青童天雞先鳴海出日赤氣照耀金芙蓉屏風
九疊花茸茸霧閣雲窻千萬重胡不置我丘壑中
一朝垂翅投樊籠空留萬片雲掛在清溪千丈之
寒松愁來弄翰北窻裏貌得雲山偶相似遂令殘
夢逐秋風一夜孤飛渡江水夢亦不可到圖亦不
可傳不如早賦歸來篇仙之人兮待我還安能齷

靛塵土間坐令白雲摧絕無所歸青山笑我凋朱
顏

松陰夢詞

陽坡碧草秋芊綿疎影漏衣圓綠烟龍枝無聲山
日午仙骨蛻空神悄然冰魂微回海山小泠泠鶴
語青林表俯視黃塵蓋九州悠悠凡夢何時曉

畫山水行

題趙侍制仲穆所畫江浦歸帆
秋林瀟灑酒二圖沈才幹所藏也

古來名畫傳父子唐有二李蜀兩黃吳興公子冠
當代雍也繼之早擅塲宋祖子孫畫龍種毛骨固
是非尋常珊瑚寶玦久零落空有妙藝傳文章至

元天子親召見徒步便賜中書郎奏圖每得天顏
喜盛以金匱白玉堂遂令世人爭貴重門戶雜還
如堵堵雍初騰蹕晚一蹶五陵豪氣無時忘吳姬
越娥坐相擁始肯落筆揮縑緗五日十日一水石
屏障彷彿生輝光君家雙圖何所得私印乃出牟
陵陽一圖汗漫秋水澗雁鴻排序投瀟湘山僧悄
尋孤寺遠客子喜甚高帆張一圖崧兀衆峯出疎
林葉赤天雨霜消搖巾舄者誰氏可是商顏之綺
黃風塵傾洞二十載玉軸錦題多散亡圖書祇應
天上有人間那得千金藏從來好事遂成癖雲烟
過眼如毫芒君不見王家桓家勢盡時復牆走韉
不得將何如城南佳山水千巖萬壑摩青蒼與君
對此飲美酒雖無南宮北苑庸何傷

梁節婦

赤城曉擁青絲騎玉竹愁鸞落紅淚水魂偷逐水
仙歸綺樓一夜靈犀碎六曲闌空不礙春羅帶盤
風輕颺塵池波不動夜光碧青天影落桃花雲相
思月照樓前水離離芳樹流紅子無情桃李亂中
開不學芙蓉抱霜灰

望太湖

登高丘望遠澤蓬萊三山不可測何如具區億萬
頃洞庭連娟向空碧東風吹盡吳天雲玉盤雙螺
翠堪摘我昔東遊鳳凰臺嵯峨巨鯢如山來白波
不動鏡光曉雲颿千幅爭先開中流縮首心茫然
恍如乘雲行九天驚濤忽逐迴風旋砰雷轉轂奔
雪山龍伯鬼國見眼前失勢一落獐蛟涎舟師拍
浪尻浪婆我亦再拜不敢言平時之險且如此何
况震蕩洪荒先帝堯咨嗟逾九年黃熊無勳幽羽
淵有子大聖與天通一朝出我羣魚中試觀此湖
險始知四載功長養草木華無心謝春風吳越之
事良可鄙虎戰龍爭方未已水犀百萬今安在惟
見夫椒白雲裏鴟夷身退帶蛾眉不直滄波一杯
水我欲臨流叫神禹湘靈鼓瑟馮夷舞盡挽湖波
釀作葡萄春飲醉扁舟臥烟雨

沈氏宜春堂屏徐給事賁所畫春雲疊嶂

休文堂前花滿枝風物四時春更宜前年三月宴
客時坐上才傑皆能詩衆中獨許姑蘇客千里江
上貯胷臆醉來意氣爲傾倒寫出層層好山色素
屏十尺粉堊鮮千巖萬嶂含春烟客子疑行灞橋
路人家似住武陵源山僧投寺亂松裏山下鳥啼

人未起柴扉日出扃薜蘿漁網波生撒江水楚水
湘雲互蔽虧渚宮隔岸遙霏微東崦晴嵐西崦雨
何處長歌樵子歸亭下流泉春浩浩上有居人往
來道相過總是看山來衣冠雖別情皆好主人愛
翫不下堂清晨掃地坐焚香晴看似見孤雲起莫
對疑聞細草芳夫君平時于我厚記君新吟常在
口長干一去無尺書謾對此圖嗟妙手一從作吏
此事廢從前畫癖今除否遙知紫陌紅塵下每爲
雲山一回首人生適意在杯酒萬事浮雲亦何有
君乎何日歸去來畫裏青山待君久

倪元鎮畫竹沈御史所藏

雲林之子有仙骨平生好潔如好色紛紛濁士等
蟲沙嗚乎瓚也何由得憶昔常登清閼堂鵲尾爐
羹龍涎香紹京妙墨僧繇畫示我不啻千明璫人
間萬事如飛電洗玉池空人不見季子城東土一
杯何人爲著黔婁傳繡衣使者騎青驄曾聽竹枝
山水東歸來見此若夢寐巴陵洞庭生眼中江湖
豪翰今零落君得此圖良勿薄愧我題詩憶故人
黃鶴何年下寥廓

王元章墨梅

王郎志奇貌亦奇與世落落噤莫施一朝騎牛入
都市關吏不識誰何之歸來老作會稽客干戈歟
起西南陲青袍白馬風塵裏越州城邊戰不已雄
襟自許魯仲連一箭無成身已歿世上空餘寫墨
花只將名姓花光比於乎人生有才不盡用古來
埋沒皆如此

送金秀才歸侍

風吹歷陽樹石城悲早秋高堂入遠夢拂袖登吳
舟金陵官酒如乳香酌君送君朱雀坊前日同來
二三伴此時望君俱斷腸科名古來人共羨富貴

不如歸故鄉年年隨計多辛苦十上風塵竟何補
秋卷留將篋內歸彩衣重看堦前舞當時縣令親
勸行今日還家父老迎門外清溪仍可釣山下古
田躬自耕子身長健親長在黃金如山不可買君
不見長安城中罷官客欲作布衣那可得

韓介玉画爲童中州掌教題

介玉乃張仲舉門人

我識河東老詞客鶴骨伶俜長八尺白頭徒步拾
公卿人生變化誰能測將軍跋扈天爲傾公持寸
管力與爭當時直氣動朝野至今文采傳諸生諸
生白面今已老三載儒冠空潦倒罷歸百事無所

爲萬壑千巖恣揮掃丹丘玄圃落眼前澗水松風
鳴浩浩由來絕藝出天機肉眼紛紛爭醜好吳興
博士今鄭虔故山未歸雪滿顛今年召對席屢前
蒙恩親賜水衡錢歸來見畫心茫然拄杖欲問金
華船金華之洞小有天下與五岳相鈎連初平鍊
丹去成仙弟兄聯袂風翩翩洞前白石如羊眠我
欲訪之何由緣安得與子相周旋饑餐紫霞拾瑤
草石上一笑三千年

青弁雲林圖

前代何人画山水長安關仝營丘李華原特起范

中立三子相望古莫比亦有北苑與河陽後來作
者誰能當米家小虎出逸品力挽元氣歸蒼茫房
山尚書初事米晚自名家稱絕美藝高一代誰韻
頽只數吳興趙公子當時弭節匡廬峯曾寫太平
興國之神宮五峯却立疑爭雄臺殿突兀紛青紅
中有雲氣隨游龍我對此圖臥三日遂令奇氣生
心胸亂來學士遭漂蕩文藝草草誰能工筆精墨
妙心更苦那得再有前賢風於乎乾坤浩蕩江海
濶使我執筆將安從

丘大卿天柱峯圖

昔聞安期生飄飄入秦京上書三月初報罷拂袖
去作蓬萊行却笑叔孫通俯仰咸陽城長安亦何
補身後留空名何似長安少年客天柱峯頭煮白
石朝辭猿鶴下雲中暮逐夔龍侍君側繡衣乘驄
馬蹀躞臺城下愛道心不忘歸來坐清夜太平天
子親齋祭新擢祠官捧珪幣紫壇醮火曉如星獨
着袞衣朝上帝翻思舊隱地石室生青苔來時壁
上蒼龍劍七星剝落空塵埃丹砂不復化蘿衣誰
更裁人生窮達會有命何須千歲如嬰孩草衣木
食苦更苦王喬偃佗安在哉寄語空山舊泉石不
須爲我生悲哀功名倘遂乞身願萬里青天騎鶴
來

山泉隱居圖

入直回爲雲
間朱卿題

日長侍立南薰殿聖主從容正開卷內臣如鵠擁
圖書詔許近前曾一見玉躡金題照眼新三王二
李跡未陳妙筆森芒洞冥漢乃知今人非古人歸
來三嘆北窻下開屏見此新圖画流淙百折掛石
梁古木寒松勢相亞末木何人一草廬山泉之人
昔所居鴻臚寺裏晚朝下對此高堂心鬱紆華亭
柳湖眼中見武陵桃源路豈殊老夫曾住康王谷

五老香爐映飛瀑亂來井日今可存因爾高歌望
黃鵠

五言律詩

遊虎丘

春入翠微深春風吹客襟相携木上座來禮石觀
音老樹積古色白雲生晝陰林僧修茗供默坐契
禪心

杜宇

國亡知幾代啼血轉聲頻爾自無歸處何須苦勸
人烟深青嶂曉花落故城春任是心如鐵聞時亦

愴神

夏夜舟中

畫舫暮來過風傳子夜歌簟紋涼更淨荷氣夕偏
多落月斜箏柱流螢拂扇羅此中無限意其柰曙
鐘何

涼夜

金氣已呈秋新涼入夢幽閨人砧欲動侍女扇將
收玉露清瑤簟銀河繞畫樓更憐今夜月隱隱樹
西頭

送呂道士

石室無人住歸心似鶴輕山君驅虎去童子報丹
成玉竇憑龍守芝田借雨耕懷君明月夜遙聽步
虛聲

池上

秋雨轉庭柯臨池晚興多禽閑棲缺岸魚戲動涼
波露浥將衰柳風欹欲敗荷雖無江海思咫尺得
頻過

約徐隱君幼文同隱吳興

吳興好山水子我盍遷居繞郭羣峯列迴波一鏡
如蠶餘卽宜稼樵罷亦堪漁結屋雲林下殘年共

讀書

孫景翔幽居

厭踏軟紅塵幽居江上村養魚寬鑿沼愛竹別移
門月色侵書幌山光入酒樽我慚行役擾猶未卜
田園

送劉仲鼎歸杭州

欲別又牽衣傷心故舊稀自憐爲客久不忍送君
歸遠岫明殘雪空江淡落暉東風重回首一雁背
人飛

越上別范景文

君家難弟兄當世結詩盟五字關風雅千年說姓名
遠烟拖柳色薄月瀉灘聲又作耶溪別何時評
此情

客夜懷王英甫

半生江海上猶未卜菟裘今夜雁初過他鄉人正
愁青燈孤枕夢黃葉一庭秋何日尋歸棹山陰訪
子猷

文心之訪予山中

遠訪孤峯頂涼荒見道情別來多少事話到二三
更燈影搖空碧茶香出破鐺山中無一物何以贈

君行

送同行省親

送子綠楊堤楊花如雪飛相看忍相別同出不同
歸雁背夕陽遠馬嘶春草肥北堂慰孤寂喜色動
斑衣

旅懷

寥落無人問清樽獨自斟思親兩行淚倦客十年
心貧久難禁病愁多欲廢吟歲寒誰可語莫逆有
孤琴

過瓜州

落日瓜州渡餘寒透薄衣客囊空蕙苾春色自蒼
薇江遠水東去天晴雁北飛故山千里外昨日夢
先歸

送客還山

乍見卽言還望雲歸遠山舟行白鳥外路出綠陰
間隣父開松徑家童掃竹關世途方擾擾誰復似
君閒

七言律詩

早春遊望

燒燈城郭嫩寒天早覺春光滿眼前山翠全輕猶
帶雪柳絲纔長便宜烟佳人挑菜寧辭遠公子尋
芳各鬪先從此陌頭車馬動誰能閑坐負華年

仲春遊望

春來結伴共閒行此日山川色更明望裏樓臺多
見柳靜中阡陌但聞鶯江蘼色帶王孫恨蜀魄吟
傷帝子情莫道韶華鎮長在落花看已滿東城

過吳卽景

片帆迢遞入吳烟竹漉蘆汀斷復連柳陰濃遮官
道上蟬聲多傍驛樓前近湖漁舍皆懸網向浦人
家盡種蓮行到吳王夜遊處滿川芳草獨堪憐

首夏閒居

門巷開隣曲水濱綠陰悄悄四無隣雨餘高笋初
迎夏風逗殘花尚駐春倚杖多因聞好鳥開樽每
爲愛幽人疎簾清簟終朝靜只有琴書自可親

川上暮歸

此地頻經回舫過暮歸原不畏風波烟中漁網懸
楊柳浦口船燈照芰荷歸鳥去邊行客少夕陽盡
處亂山多此時詩思渾無賴聽得前溪子夜歌

秋齋早起

高齋獨宿寢衣輕覆簟餘香似有情門掩青苔秋
澹泊心同白露曉澄清新詩夜得思貽友靈藥朝
餐學養生但乞閒身長似此已將雲霧等浮名

秋日登戴山佛閣

風物澄明宿靄收登山欲盡更登樓一行白雁投
南下百道清溪向北流野嶂雲歸初歇雨湖田稼
熟始知秋空門寂寂無塵事騁望端能散客愁

歲暮山居

寂寂閒居隱翠微蕭蕭寒日映柴扉葉聲亂響莓
苔屐雲氣時生薜荔衣雪滿石牀門閉早草侵碁
局客來稀歲寒正好看書卷不用登高怨落暉

寄王止仲高季迪

祇恨孤城未解圍，圍開翻遣別相知。夕陽江上匆
匆酒，細雨燈前草草詩。有夢直從花落後，無書空
過雁來時。郭西古寺題名處，今日重遊却共誰。

陳氏先塋圖

雲山漠漠豕嵬嵬，馬鬣封前躑躅開。宗子祇緣懷
牒去，路人時爲看碑來。松間芻狗埋秋草，地底漁
燈徹夜臺。惆悵年年寒食近，白楊風起爲興哀。

送胡宗禹之播州驛丞

便路之官暫到家，九溪窮處是天涯。夜郎沙軟多

龍跡，盤瓠山迴似犬牙。浦口勞歌催画鷁，門前使
節詠皇華。途中定有江行稿，好寄東風萬里槎。

春園漫興

水漫芳塘生暖波，松林蘭若散鳴珂。題詩故欲愁
花鳥，避酒還能憶薜蘿。烟柳萬條供妙舞，風鶯百
轉當嬌歌。醉斜烏帽歸來晚，一路花飛撲面多。

晚過淮陰

軍城鐵鎖曉開關，使節星馳未敢閑。淮水東流應
到海，瓜洲北去少逢山。行人欲斷寒烟外，遠燒時
明亂葦間。却憶帝城風物盛，禮成須及上春還。

重過蜀山徐幼文隱居

憐君舊隱此林間，一去神京未得還。
獨客重來多白髮，故人不見只青山。
岸前古樹曾維艇，雪後高齋幾扣關。
何日能除簪紱繫，莫年相約共投閒。

贈彈箏人

先輩曾將舊曲傳，纖纖銀甲更堪憐。
清和未數湘靈瑟，哀怨渾同蜀國絃。
鶯弄晚風啼復歇，雁飛秋水斷還連。
坐中北客聽來少，暗想當時一惘然。

閩中暮春

吳山入夢驛程賒，身逐孤帆客海涯。
九十日春多

是雨三千里，路未歸家枕柳土。
潤蠻烟合楊柳江深瘴霧遮，倚遍欄干愁似海。
杜鵑啼過木蘭花

送蓮社陸道師歸鏡湖別業

一錫橫飛下鏡湖，頭顱老去世緣疎。
庭栽竹少堪容鶴，池種蓮多不礙魚。
滿室香雲經盡後，半窻明月定回初。
陶潛懶入東林社，在在青山可結廬。

五言絕句

蘇小墳

冷落百花朝，無人上画橋。
東風吹綠草，依舊似裙

腰

花

能白更兼黃無人亦自芳寸心原不大容得許多香

七言絕句

悼高青丘季迪

生平意氣竟何爲無祿無田最可悲賴有聲名消不得漢家樂府盛唐詩

挽楊憲府孟載

南北雲山賦遠遊白頭終老晉陽秋千篇留得平生稿半似蘇州半鄧州

梅雪軒

山如東郭先生里屋似西湖處士家爲問軒中清白吏還應比雪比梅花

小遊仙

洞口春泉嫩碧沙樓臺彷彿蔡經家赤鸞啣得金盤子擲向窻前樹樹花

晞髮扶桑露氣新三花樹底坐調笙到門解說長生理只有茅家好弟兄

朝遊碧海不騎魚鳳引霓旌鶴引車吟得步虛誰解和歸來閑倩少霞書

門外南風吹葛花奕棋人散樹陰斜青童睡起渾
無事乞與神丹餽白鴉

維揚春曉

烟籠柳影亂鶯啼雨濕芹香乳燕飛二十四橋春
又盡江南詞客正思歸

燕山春暮

金水橋邊蜀鳥啼玉泉山下柳花飛江南江北三
千里愁絕春歸客未歸

蔡照樓明二十四家詩定卷五終